

10250.89  
38

宜春縣志





續修宜春縣志序



州縣莫不有志非徒紀疆域也  
凡物產之盈虛民俗之宜忌畢  
見乎中有裨於政治不小守土  
之吏苟留心掌故亦當與都人  
士以時修輯而資考鏡若夫時

經變亂文獻無徵則續修之  
舉尤不容緩焉宜喜為袁郡  
首邑舊志即附於郡康熙朝  
始有專志六載六屬州創越  
百餘年五道先初復加纂輯  
歲愈久則事愈繁當事旁



搜博采遂為一邑完書相隔  
四十餘年山川城郭無改于  
舊土曰賦口悉如其初續修  
似乎可緩而有不容緩者

聖天子治化旁真人文蒸日上科  
名仕官歲有加增又遭粵匪之

亂鄉曲小民殉難捐軀去枕藉  
相繼而志士壯夫痛郡邑之淪  
陷裹糧荷戈隨官軍轉戰無  
役不涉郡城賴以恢復其間倡  
義者死後者不為書其偉績  
哉其幽光歷久將遂湮沒殆非



守土者之責乎會

中丞劉公有纂修通志之舉  
檄各縣補葺新志以備採擇當  
郡城之復也

中丞以實館兵符其剝撫機宜  
用兵始末皆宜備書能記載稍

宜春縣志

序

三

有失實其他可知何以仰稱盛  
意之宜去官紳奉

命維謹體裁胥慄舊章於武  
事一門據事直書尤加詳慎  
予守郡五年按部所至間取  
各屬遺事之有闕邑乘者勤



加訪問於宦者尤晰法觀新志  
所載與予訪問所及一一登記  
靡濫靡遺以此上之

中丞不獨守土之吏藉為政  
治之助而

中丞之功德在宦與夫官民之

宜春縣志

序

四

效命於

公皆得以昭示來世傳不朽之

盛事彰無前之偉烈至於表

揚忠義俾英魂毅魄不取磨

滅於風霜兵燹之餘庶後之

讀者有所興感則尤闡世教



之大者吾故曰時經變亂尤不  
宥後者此也是後也

中丞督之予遂之太令路君  
總其成李陳兩太史及紳士  
之才者賢者分其任閱一載  
而歲事梓既竣例當誌其緣

宜春縣志

序

五

起因書以弁其端

同治十年歲次辛未夏至後  
二日知府事蘄州駱敏修



譔



續修宜春縣志序

蓋聞儲材者經世之先資

旌功者揆文之盛典二者相因是

多循環自古經世宰物未可

舍是而能戡禍亂致太平者

宜春縣志

序

也宜陽東屏豫章西控長沙

夙稱襟要咸通六年髮逆

踞郡

大中丞劉公運籌決勝克

復金城次更生之天訓練



烏所以移虜鄉國者尤備洎  
同治四年叛勇突爾圍城  
卒仗步力完守時

中丞袁澤也是人至之頌  
之不衰余戊辰釋褐奉檄

宜春縣志

序

系江而

中丞撫江右已五年矣吏  
飭民安百廢具舉次輯忠  
義之傳於雲省志不修郡  
縣遺烈未書表表若以端



風化而感人心已巳冬余捐  
篆斯土臘月即卒

憲札於采訪繼續修迺乘  
以暇披覽舊帙亟思編輯以

副

宜善縣志

序

三

憲為爰集郡人士編詢而日  
擇務殉節法實蹟依細者  
久之遂於庚午暮春謝吉  
啟局請李碧珊陳寶巖兩太  
史葦屢生事十閱月而稿成



除已損益者重加釐訂他悉仍  
舊惟於忠義節孝足資激  
勸者特詳錄焉至乎藝文有  
闕考證諸篇以彰附誌餘從  
刊落遵

宜春縣志

序

四

憲章也余因之以成於今昔  
鄧禹基自文學杜預出于  
儒務至致殊勳美名往籍  
近因浩逆之素駭胡兩文忠  
以逮江忠烈羅忠節李忠愍



法兮因形中禍者生措神影  
印哉以抗敵殄寇為

國屏藩兮秀江百里或欠危  
授命視死如歸或赴隘如夷  
惟義所在大則匡扶封域小

宜春縣志

序

五

不矜式里閭哉烈所著與河  
海而爭流峻節所標若松柏  
而俱義壯矣

聖朝洙泗涵濡二百年胡以天  
地常留步正彙山川克生此



英物哉海之濶新志者足以  
具考余學愧也裁曷友褒嘉  
功渙等揚哉美而體我

中丞端風化哉人心之素  
以歎典是入共勉志尔至若

宜春縣志

序

六

宜志之緣起與否亦彰之  
顛末前人論之詳矣茲亦  
贅

皆

同治玖年歲在庚午季冬




月中澣

賜進士出身

欽加同知銜署宜壽縣事子霖

路亨雲



譔

宜春縣志

序

七



原序

宜春古望縣鈴山喻川隸焉至宋雍熙淳化間始割神龍等鄉爲分宜割新喻隸臨江軍載在年表可稽也古何以無志縣附郭志亦附郡大抵江省皆同然則是役也他邑爲續修宜邑爲創修余不敏且鞅掌簿書間其何以勝任雖然太史公有言於山見泰山之高於水見黃河之大且深於文獻見鄒魯闕里車服禮器之明以備然後其文章縱逸奔放橫絕今古余自一行作吏不無仰止高山朝宗瀚海之思嘗慨然有志於邑乘而未逮今

原序

宜春縣志

卷首

聖天子右文翊運屬天下郡邑無論新舊乘善成彙編上聞以昭大一統之盛治且明無私賞罰之大權余聞之惕然以懼尋復展然以喜謂余夙志之可見諸行事也於是謀諸邑紳士蠲吉設局銳意創修稽郡帙以知所從來訪獻老以採所未備又恐遐陬僻壤間有幽人貞士湮沒於殘碑斷碣之下嫠婦烈女沉淪於霜飛露冷之秋復爲遠覽旁搜哀集成帙筆削與衆同之無私取舍彰瘴與衆共之無私喜怒是非與衆謀之無徇一人之好惡妍媸與衆詢之無恃一人之聰察由是邑之山川古蹟如蟠龍雪谷南泉仰山



諸名勝得以採其靈異傑出焉邑之風土文物如詔  
君有鄉陳雷名里其人多樂道安貧重義輕財得以  
徵其民醕俗厚焉邑之官師模範如徐公棫蔣公應  
震諸先哲得以挹其棠蔭手澤焉邑之名臣高士大  
忠純節理學名家碩膚宏勲得以炙其芳徽懿行焉  
余日兢兢懼弗克勝任者駸駸乎其庶幾告厥成矣  
蘇文忠公云不見廬山真面目只因身在此山中余  
處茲邑有年今始識宜之真面目固有以益人神智  
悚人觀聽起人景行有如是之博且大者然則循名  
核實豈第江山多勝遊已哉余慚非史才今幸得以

宜春縣志

卷首

原序

二

草創而識史學昔之思以仰止高山朝宗瀚海者可  
藉手以慰萬一但不識管窺蠡測妄膺褒貶筆削之  
任以備輜軒之採果有當於外史之職否耶維時始  
自輿地迄篇末爲卷二十九月授梓凡三閱月而成  
邑之縉紳先生與廣文先生暨兩庠英彥咸有成勞  
余不敢私爲己功也例得並書三韓王光烈

粵稽往哲云域中有三大權而史官居其一周設太  
史小史內外史之官宋司馬君實六任斯職良以彰  
往詔來文獻誠重且大哉郡邑有志本之外史原以  
備王朝採風非私乘也吾邑首隸郡治舊無專志欲



徵信從惟郡乘是問然合四邑成集摘要刪繁每畧而未詳今幸我邑侯允文先生以服古學道之彥分符斯邑時值干戈甫定乃勤撫字啟教育釐弊清荒屢繪流圖活萬姓于困阨危亡之際既已愷惠廣暨矣而不自滿其德公餘之暇進余輩而言曰邑無志闕典也願肇興之以寄彰瘁而勵風俗余輩聆斯語深服我侯之惓惓于邑者志宏而意周也適逢我

皇上崇獎文治宏開史館徧搜家藏遺編纂修信史且諭大部檄徵各郡邑志以昭大一統之盛公欣然曰此予素志也遂以劄修爲己任攷之郡乘訪諸故老

宜春縣志

卷首

原序

三

傳聞纖巨不遺然猶孳孳懼衆美之弗集也率余輩參互考訂彙而成帙公復爲綜核加之筆削以授劄刪其體裁倣大史氏綱舉目張格規於整而義底於詳篇什之內若疆域若形勝若建置若沿革若祲祥若官師若山川文物戶口兵農罔不悉具其間耆儒碩彥文人宦達以及倜儻不羣之品貞烈可嘉之德尤且人爲之傳事爲之記展卷瞭然炳若日星足爲當代之規鑑矣且事屬創始心勞工倍我侯不憚殫厥心力舉數十百年之曠典愆告成於此日則昔所稱三不朽者得斯志而我侯成具焉此膺簪筆書笏



之秩登贊昇平詎不勝任而快愉耶達不文惟喜斯志之成大有裨於我邑藉手以揚休於萬一云邑人潘于遠

以余稽古良史至太史遷備矣曰年表諸王侯表曰世家曰列傳曰贊迄今攷其世次燦若列眉由漢秦而上至於五帝其間厚德豐功純王雜伯封建郡縣井田學校改制度易服色與夫人官物曲禮樂律厯負殖財用以迄游俠日者之類靡不蒐羅無遺傳寫如畫班范以下弗逮矣後之爲史者孰能過龍門之庭而問之哉嗣是代有作者莫善於紫陽綱目後史

宜春縣志

卷首

原序

四

皆因之猶木之有繩尺範圍而不能過焉若郡邑之志第有目而無綱非無綱也王朝之史本天子之權舉其綱於上郡邑第備載其風土人物以俟太史氏之採擇以上之天子垂之後世耳邑舊無志附於郡乘此亦脩明者之缺也我侯允文先生蒞茲土軫哀鴻而安集之憫田荒了缺而繪陳之呼役夫以均徭禁採買以杜害其在老荒無主之田歲有代賠加以近潭倒榻之城歲有修葺拮据維艱不遑啟處而殷然欲有事於邑志者匪伊朝夕適承

聖天子勵精文治思以黼黻太平屬在版圖咸令葺厥志



以獻侯因得抒其素志而躬親珥筆焉於是攬邑之  
輿地名勝畫其郊圻紀其險隘而封守固察邑之風  
俗好尚崇其醕雅黜其浮薄而古誼啟遴邑之忠孝  
廉節振其聲稱發其幽光而善良遂不惟是也侯尤  
念昔之蒞茲土者尙有典型如徐中丞前後不忘宜  
民至今膾炙人口可得上法焉不惟是也侯尤念昔  
之生茲土者孤忠太節身後論定如袁高士彭詔君  
天子不得而臣尤稱第一流焉凡邑之大利汲汲願  
與民存之大害願與民去之於是大書特書不憚反  
覆詳明之其始終愛民之心特於此志見其一班耳

宜春縣志

卷首

原序

五

然則此志也其何負於紫陽氏乎條目悉備而大綱  
可舉詎不足備大史之揚扝耶此志也其得統於龍  
門氏乎有表年有紀傳有差次功德有循卓治狀是  
亦倣太史公之遺意云爾由是邑之紳士操觚而隨  
後者得附驥而並傳而侯與袁山俱永矣邑人袁一  
菁

嘗謂天下者一邑之積邑宰者卿相之基也自漢唐  
置郡縣以來最重守令不次授擢登之臺垣蓋以守  
令者於士民爲最親于封域爲最悉也故宰一邑者  
其于四境之土田賦稅則壤沃瘠也必有書生齒版



籍老穉盈縮也必有書山川形勝之險阻忠孝節義之特出必有書以及剛柔燥濕之異宜貞淫奢儉之異俗公卿學士之事業文章無不一一有書猶古侯國風詩以備輜軒之採也我

皇上前命儒臣纂修一統志

皇輿圖類皆採一邑之志彙於一郡一郡之志彙於一省考核異同以成當代全書邑志顧不重哉袁之宜春舊無專志卽附紀于府乘後康熙癸亥前邑侯王公始另輯之今已越二紀矣數十年間之天時人事日異月新不有增校將老成凋謝後有作者不徒抱荒

宜春縣志

卷首

原序

六

遠無稽之慨哉今視崖江使君爲予督學江南所賞識士以明經登丙子北闈賢書成庚辰進士其經書制義各有專稿行世一時宗之由紫薇舍人出宰宜春甲中秋蒞任減徵寬賦剔弊除奸剖寃誣優士類修學宮復古蹟善政不可枚舉雖代庖郡丞再攝分篆亦不改絃易轍半榻圖史兩袖清風泊如也公事之餘進邑之紳士取舊志而重訂之殘者補闕者增不雷同不勦襲事必闡幽無虛譽也文必徵實無溢美也褒譏予奪凜然奉春秋之微旨焉是志也不獨供輜軒之採與古侯國風詩增重其以備一統志



阜輿圖之參稽採擇也豈有既乎且使君殖學好古制義而外沉鬱于詩歌古文詞其文章吏治誠有卓卓乎大過人者行將荷

恩綸入紫闈侍黃扉爲

聖天子黼黻太平則今日之良吏不卽爲異日之賢卿相哉是爲序康熙戊子禮部尙書李振裕

志也者紀事之書也圖山川正疆土稽戶口釐賦稅攷舊德服先疇辨貞淫核利弊所以徵往詔來勸懲興感政之大端所由出也古者國皆有史自封建罷而郡縣分則史廢爲志猶存其遺意焉蓋郡縣古諸

宜春縣志

卷首

原序

七

侯之國也分土分民四境之內典章圖籍文獻風謠民生國計實係於斯司牧者治其土子其民披圖而考焉按籍而稽焉興廢沿革與時相因與地相度然後定規模以從事若網在綱有條而不紊庶幾奏循良而臻上理也使漫無所依茫無所據因心率意或詳於近而忽於遠或循其名而失其實或宜於今而戾於古何以溯源流而符衆議哉則所資於志者誠大且急矣宜春爲袁首邑自漢長沙定王封其子爲侯國風氣始開志附于郡載紀未備又多殘缺然其山川壯麗如袁山大仰表形勝而崢嶸者固發源宜



之境也吏蹟彰聞如昌黎文饒次律諸公惠風遺澤  
流聲千古者又先被宜之民也高人貞士如陳重袁  
京彭構雲抱隱德而托清風英才麗藻如盧肇鄭谷  
登高第而霸騷壇又皆宜產也是宜稱袁之首善人  
文風氣實冠於諸邑而邑志未詳不獨爲一邑之闕  
事卽於郡之表彰恐亦有憾也前令王君諱光烈創  
而修之會邑之老成耆舊博咨廣覽摺摭逸事搜羅  
遺文哀然成書可謂曠典矣今又歷二十餘年風氣  
遷移人文蒸變雖山川如故井里依然獨是典型故  
老倏焉凋謝者豈無人乎後學英流挺然傑後者豈

宜春縣志

卷首

原序

八

無士乎吏治之得失幾何人乎民生之聚散幾何家  
乎時俗之更張幾何事乎况厯宦郡憲諸公於茲二  
十餘年間所以移風易俗振綱飭紀表先賢之往烈  
闡潛德之幽光輝映山川驅駕古今者雖操柱下之  
筆未易標舉而臚列也令敢不與此邦之人士核其  
端委傳之永久以備勸懲矜式哉莫爲之前雖美弗  
彰莫爲之後雖盛弗傳予滋懼焉爰進諸紳士之博  
聞強記者採而修之以續諸後不致墜前人之曠典  
俾後來者有所藉以垂不朽焉康熙四十七年歲在  
戊子春正月之望知縣江爲龍撰



余奉

命守袁州宣

聖天子之雅化與吾民求安於治求裕其室家蓋茲三稔  
矣恭際

重熙累洽人文化成時和年豐家給人足倉廩實而禮義興  
知政本有由然也今奉

大憲飭修江西通志檄各州縣重纂志乘以備采擇  
袁州四邑咸遵纂輯將讞完璧仰稟

憲裁又余所樂觀其成者也宜春漢豫章屬縣唐設  
袁州遂爲附郭首邑居風教之先有土物之勝山川

宜春縣志

卷首

原序

九

迤邐戶口豐繁古稱民安吏循閭里無事士力學知  
廉恥民樂耕好儉嗇宜春其最著也其志乘則自康  
熙年間修之後無繼者歲月既久漫漶遂多覽掌故  
者多難之邑令程君六皆克承斯纂集紳士旁收廣  
採其難其慎迨三易稿而後訂於篇竊以志者至也  
所以寓教養而無窮者也觀風俗之龐厚以知養觀  
人文之明秀以知教興除利弊必切民生課樹桑麻  
咸資養給然則志之所在治所不遺治之所安志爲  
有實斯爲政所以無尙虛文乎方今

大中丞月川先生初蒞江右卽首以教養訓官民策



勉周詳慈惠兼盡下之起而應者吏飭官常民勤庶業一時爭奮興焉程君既富於年勤敏而銳於事近復舉百年不修之李渠力圖濬復又爲倡一邑未興之書院謀事遷增士信其誠民歌其德鼓舞相勸必期於成則所以仰遵

憲教獨任實心以求乎志之所在爲治之所安者良可嘉予也斯志之成程君可以上之

大憲鑒定焉亦百年來未覩之盛宜春人士涵濡

恩化沐浴

帝澤相忘於隴畝服疇食德以共守乎閭里無事之醇風

宜春縣志

卷首

原序

十

一 余用是藉手報政焉爲志慶抑亦爲吾民慶程君其勉之哉

道光三年孟冬知袁州府事鄭心一書

嘗聞讀禹貢知土地之宜讀周官知職守之責讀鄭樵通志樂史太平寰宇記知憲章之所繫與夫記錄之詳體例之所在邑之有志所爲土地職守者固備而所以資採擇繫憲章非記錄繁富體例簡明未足言掌故也宋羅願新安志自序以爲儒者之書具有微旨不同鈔取記簿志不綦重哉

今上御極之元年余得銓授斯邑邑漢縣也在我



朝累洽重熙沐浴

聖澤聲明文物蒸蒸日上矣履任之初卽求得康熙年間江志讀之歷年既遠缺畧爲多不自揆度輒興續纂之思適值

府憲以

大憲將修省志檄飭纂修並頒章程格式既謀諸合邑之仁賢而參以四方之民物乃屬筆焉於是依據舊志博採新呈閱十月而志以成蓋邑爲附郭人文聚焉又得時承

府憲指訓條分縷晰典核詳明固足以備通志之採

宜春縣志

卷目

原序

十一

擇而仰答

大憲之徵求矣竊以仕學兼營政道並舉非資於志或昧所從知縣導揚風化勸課農桑啟閭民之業崇五土之利每歲季冬行鄉飲酒禮有孝弟節義聞於鄉者必申之郡凡夫戶口賦役傳驛倉庫田畝陂塘皆通知之乃爲無負所職而一從事乎志則仕以優而政以舉志不綦重哉夫志之列輿圖形勢山川水利則土地之宜也志之列學校選舉秩官兵衛則職守之責也志之古蹟人物藝文雜記則憲章之繫也余固嘗讀禹貢周官間涉鄭樂之編冊一求之此乃



大慰其不自揆度之思蓋乃遭遇乎斯時也既樂斯志之成吾得與邑人士交勉焉所謂儒者之書具有微旨者其庶幾乎若夫藉手懲勸以期蔚起英賢雖非能至是又余之素所願慕也爰授之梓而序其闕畧如此

昔

道光三年歲次癸未仲冬月吉日知縣程國觀謹撰宜春爲袁郡附郭邑志載視外邑爲詳凡郡之城郡之學郡之壇廟郡之廨舍郡之長貳及屬例得備書猶郡志也余以辛巳六月奉題同知斯郡七月己酉

宜春縣志

卷首

原序

三

朔在省任事擬卽來郡因調簾未果聞茲因委讞未果既因權南康郡篆又未果既因承審贛縣案忝解任仍未果故雖以附郭如宜邑者大抵按圖披記畧知其疆域山川田賦戶口風俗諸大概而已餘率未能知其詳也癸未七月奉檄回任乃得遂願來袁適邑宰六皆程君新修邑志將竣出以示余相商惟並囑一言爲序余不文且泄事日淺茫乎未有知茲其焉從置喙雖然余之於袁似有夙緣焉固不得以不文辭猶憶乙卯夏五余籤分江右欲詣南州人士之在都者詢咨風土乘輿而往適過袁州會館得見謁



選辛亥諸公而歎曲焉余時以爲適然耳是年八月  
余由湘南挈眷來舟出於袁眺袁山泳秀水沿狀元  
洲過徵君臺心乎愛矣余亦以爲適然耳九月抵豫  
章卽奉委署斯篆受篆之日本任已至越七日卸篆  
余猶以爲適然耳先時丞之需次於江者率因補實  
無期然余雖緣微勞蒙以儘先請未邀

俞允會斯丞揀調廼依次補余余仍以爲適然耳由今思  
之志載袁州會館及選舉人物則余八年前未來袁  
時卽得適館言言語語者也志載山水古蹟津梁則  
余八年前未官袁時卽得登覽憑眺而問津者也志

宜春縣志

卷首

原序

三

載郡官之貳及南園名勝則余八年前卽得握斯篆  
而今且得饘於斯廬於斯也可不謂夙緣歟宜爲附  
郭邑凡余之與袁有夙緣者卽余之與宜有夙緣者  
也今新志甫成而余又適至得以泰末議廁名其間  
是余之與志亦覺有夙緣者又烏得以不文辭閱志  
首簡爲郡伯鄭漁帆先生所序其於修志始末及纂  
述體要詳哉言之矣余無所容贅聊舉余之有夙緣  
於袁與宜及先未適來而今幸賁來者以應程君之  
囑抑余聞之邑之志古之史也將以示勸懲昭法戒  
呂涇墅有云政不必皆官識法者卽可立教不必皆



師見道者卽可端方今

聖人御寓人安吏循

大賢敷治令行於庭戶而人自得於湖山千里之外  
凡官斯土生斯土者皆宜爭自濯磨以仰答

昇平余旣與袁有夙緣而又得遂所願以來供職詩有  
之職思其居則夫水利之宜與緝捕之宜講邑宰之  
任亦郡丞之職也書云知之非艱行之惟難余願與  
程君共勉之俾後之讀斯志者不以爲懲不以爲戒  
是則余今日序志之意也夫是爲序同知袁州府劉

體重

原序

宜春縣志

卷首

古



宜春縣志卷首

凡例

一縣志至是凡四修其創修於康熙癸亥為王志以宜  
邑前無專志附紀府乘之故越二十三年乙酉續修  
是為江志再續於道光三年癸未則為程志秉筆者  
實邑紳某某也茲合三志悉心參酌或增或刪非敢  
故為異同蓋徵文考獻前人之功不可泯倘襲謬沿  
訛後人之責烏能諉也

一前志分三十二卷各冠以小引頗覺繁冗茲仿照  
憲頒體例以綱繁目分門十其目則各以類從較便

宜春縣志

卷首

凡例

觀覽

一卷首恭編

列聖詔諭及歷奉

綸音敬謹增入昭示萬世

一宜春雖屬禹貢揚州地然遠在邊隅毗連荆楚接壤  
之所微茫之間論星野者言人人殊前志譏舊志之  
穿鑿而不知其牽強尤甚茲據經史姑為更正若求  
的實指歸仍俟博雅君子

一前志將鄉里齒甲附載沿革之後似乎未協茲特改  
列疆域內



一宜邑雖曾隸於安成不過東南一綫之地雖統轄於豫章亦屬邊遠最爾之區前志於沿革封爵祥異藝文等類竟有將豫章安成故事全行闡入者殊屬無謂今俱削之

一承平日久武備寢弛咸豐乙卯丙辰間髮逆踞懷官軍團練均極費手始能克復茲將被賊始末及前後軍功并徇難紳民詳細登載以誌辛苦且俾覽者資未雨之計焉

一前志於本府文武秩官公廨學租藝文等項皆代爲詳敘今仍之

宜春縣志

卷首

凡例

二

一人物俱仍前志至新增人物則或學校公呈或紳耆採訪總期協乎輿論不敢濫登

一前志所載案卷關係地方者如汰浮糧驅棚寇禁妄扳遠衛之類今悉仍之并續載客民妄開膏甲等案以儆將來

一婦人節孝風化所關只此兩字可括生平前志每名下撰考語數行轉形挂漏甚或瑣屑雷同其無考語者則又將一家數名附注一人之內如云其媳某氏姪媳孫媳某氏亦同守節之類竟有因此而忘紀本夫之名者或更將數家婦女混敘一段之中並不另



行提出殊覺眉目不清今刪訂一切但標舉姓氏大書特書自堪不朽其奇節異烈者則仍另傳

一前志節孝列傳既載施榮妻呂氏云云而藝文內又有節母呂孺人傳一大篇敘其夫則曰克振其姓施則既未標題又僅於傳末借呂氏口中一點茲查克振卽施榮表字並不敘明彼此互異是一人疑於兩人也又如烈婦袁坤七妻夏氏趙上選妻何氏既詳列傳矣而藝文又載袁起宇傳辛炳喬銘特字句繁簡與列傳稍不同耳是一事而前後重複也且各家乘節烈有傳者甚多人人援以爲例邑志載不勝

比例

三

### 宜春縣志

載格於理勢一概從變

一前志仙釋列傳所載唐大尉湯迪原係袁州刺史多惠政致仕後隱居宜邑集雲鄉遂家焉歿後袁人思其功德立廟祀之而乃列之仙釋內於義何居今特改列名宦傳

一藝文前志頗多濫收茲但取有關係者登載其流連風景之詞概不闕入謹遵四庫書目之例分經史子籍各部備載書名卷帙及著述姓名又以詩文分注各條之下其前志已載詩文無所附麗者並錄於後謂之文徵金石附



一除採訪增輯外凡前志所載各條妥協者悉仍舊貫  
不一贅

宜春縣志

凡例

四



宜春縣志

總目 序文 原序 凡例 目錄 姓氏 繪圖

上諭

卷首

地理志

星野 疆域附 鄉舊 沿革附 封爵 山川 水利附 陂塘

津梁 古蹟 風俗 物產

建置志

城池 壇廟 公廨附 試院 寺觀附 育嬰堂 養濟院

食貨志

戶口 田賦額 徵 蠲 緩 雜 課 附 倉儲 漕運 驛鹽

宜春縣志

卷首

目錄

學校志

學宮附 祀典 學制附 學額 書院附 社學 鄉飲

武備志

兵制 武亭附 團練

職官志

文職 武職 名宦

選舉志

薦辟 進士 舉人 貢生 仕籍附 雜途 封贈

蔭襲

人物志



名臣 宦業 理學 儒林 文苑 忠義 孝友

善士 隱逸 列女 壽 方技 寓賢

藝文志

經部 史部 子部 集部 文徵 金石

雜類志

仙釋 坐墓 祥異 軼事 跋

宜春縣志

卷首

目錄

二



康熙癸亥倡修姓氏

纂修知縣王光烈

同校建甯府同知潘于遠 舉人袁一菁 袁克昌

楊尙義

分校貢生劉增 陳舜道 袁克生 陳宗道

分輯廩生方直 袁一進 潘士丰 袁克觀

劉幼發 袁廷鈞 張世峻 劉長發 陳繼道

李宏智 朱濬 袁克贊

編次貢生周家楨 楊榮宗 陳憲道 庠生袁一賢

張世璣

宜春縣志

卷首

姓氏

康熙乙酉續修姓氏

纂修知縣江為龍

同校舉人劉長發 甘汝楸 崇義教諭陳宗道

貢生袁一莉 潘士丰 袁克寵 張鴻翥

李士龍

同輯貢生袁克紳 陳忠道 廩生袁起濤 何定基

張自鳴 陳繼道

編次廩生李紹蓮 楊嘉楠 况增 謝聖恩

劉履謙 潘師澍 朱浩 傅廷紹

道光癸未續修姓氏



纂修知府鄭心一 同知劉體重 知縣程國觀

協修翰林院編修易曰廉 候選教諭黃邦達

優生袁錫光 增生彭勛

分輯揀選知縣潘大京 張運謨 候選教諭晏際煌

袁際唐 袁芳琴 徐輔仁 拔貢生高際春

校閱廩生易大儒 增生袁士超 生員易煥謨

劉慎修 蕭元善

編次監生 胡儀 徐汝亨 鄒士涵 周學蓮

廖家欽 生員陳之謨 蘇世蔚 何斯毅

鄉飲賓劉孫謀 經理監生李雲岫 蕭榮詔

宜春縣志

卷首

姓氏

二

鴻費廩生易圭成 增貢生揭莊 附貢生魏性道

例貢生胡映蘭 增生袁壽愷 武舉周文案

生員黃朝紳 萬雲程 周機 李向榮 余子琳

黃經邦 費震海 潘安瀾 陳廷璋 易榮本

易軒 郭冕 潘仁 劉體 易見瑞 王士真

梁守禮 鄒幼森 監易煥禧 黃雲繡 劉鐘鼎

劉錦成 謝廷英 殷尙勇 孫榮祖 易晉光

魏述道 龍際春 汪際昌 楊寶輝 職員彭肇

柳鳳翔 黃道輪 謝向榮 李載烈 袁錦標

鄒家賓 童生易曰序 湯揚馨 林元英



新修姓氏

鑒定

欽加道銜袁州府知府加十級

駱敏修

進士湖北蕪州人

總纂

欽加同知銜署宜春縣知縣加十級

路青雲

進士順天大興人

纂修

翰林院庶吉士同知銜福建上杭縣知縣李佩琳

翰林院庶吉士陳瑜

同輯

同知銜候選知縣前任新城縣學教諭易言颺

宜春縣志

卷首

姓氏

三

舉人河工試用知縣丁寶森

舉人候選教諭徐夢虎

舉人彭蔚

舉人鍾學琴

舉人甘心泉

分校

恩貢候

選

教

諭夏謙

恩貢候

選

教

諭李佩璠

歲貢

候

選

訓

導段熙南

歲貢

候

選

訓

導易雲衢



候選訓導廩貢生袁錫琦

編次

優廩生張星午

優廩生易學周

優廩生費賡吉

優廩生孫紹烈

廩生黃金臺

附生員歐陽煥藹

貢生胡暄

生員鍾傑

宜春縣志

卷首

姓氏

四

繪圖

生員李笏

校字兼繕寫

生員鍾秉靈

生員易象乾

生員陳景賢

童生孫德昌

童生甘崇俊

童生盧開甲

童生易均燮



童

生劉效權

童

生彭樹人

督梓

州

同

銜

加

二

級易光濤

童

生何琳

經理

州同銜加二級軍功候選縣丞易元善

武舉加守備銜候選營千總易大雄

軍功六品監生錢道良

監生羅邦俊

宜春縣志

卷首

姓氏

五



# 繪泉圖

宜春縣志

卷首

圖






宜春縣志

卷首

縣城圖




西至萍鄉縣界



東南至安福縣界

圖






宜春縣志

卷百

圖







縣學宮圖

宜春縣志

卷首

圖

四







宜春縣志

卷首

圖

五

文昌宮圖







宜春縣志

卷首

圖

六

宜陽書院圖






春台曉日

宜春縣志

卷首

圖

七






化成晚鐘



宜春縣志

卷首





宜春縣志

卷首

圖

九

盧洲印月







宜春縣志

卷首

圖

南池湧珠





宜春縣志

卷首

雲谷飛瀑

圖一

十一






宜春縣志

卷首

仰山舊圖




圖

十二





釣台烟雨



宜春縣志

卷首

圖

十三






宜春縣志

卷首



翠峯山





宜春縣志

卷首

圖

十五





恭錄

列聖諭旨

世祖章皇帝卧碑文

恭置於明倫堂之左曉示生員

朝廷建立學校選取生員免其丁糧厚以廩膳設學院學道學官以教之名衙門官以禮相待全要養成賢才以供朝廷之用諸生皆當上報國恩下立人品所有條例開列於後

一生員之家父母賢智者子當受教父母愚魯或有非為者子既讀書明理當再三懇告使父母不陷於危亡

一生員立志當學為忠臣清官書史所載忠清事蹟務須

宜春縣志

卷首

上諭

互相講究九利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就為官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入即有切己之事只許家人代告不許干預他人詞訟他人亦不許牽連生員作證

一為學當尊敬先生若講說皆須誠心聽受如有未明從



容再問毋妄行辨難爲師亦當盡心教訓勿致怠惰  
一軍民一切利病不許生員上書陳言如有一言建白以  
違制論黜革治罪

一生員不許糾黨多人結盟立社把持官府武斷鄉曲所  
作文字不許妄行刊刻違者聽提調官治罪

聖祖仁皇帝訓飭士子文

國家建立學校原以興行教化作育人材典至渥也朕臨  
御以來隆重師儒加意庠序近復慎簡學士釐剔弊端務  
期風教修明賢才蔚起庶幾棧樸作人之意乃比年士習  
未端儒效罕著雖內外臣工奉行未能盡善亦出爾諸生

宜春縣志

卷首

上諭

二

積錮已久猝難改易故也茲特親製訓言再加警飭爾諸  
生其敬聽之從來學者先立品行次及文學學術事功原  
委有叙爾諸生幼聞庭訓長立宮牆朝夕誦讀甯無究心  
必也躬修實踐砥礪廉隅敦孝順以事親秉忠貞以立志  
窮經考業勿雜荒誕之談取友親師悉化驕盈之氣文章  
歸於醇雅毋事浮華軌度式於規繩最防蕩軼子衿佻達  
自昔所譏苟行止有虧雖讀書何益若夫宅心弗淑行己  
多愆或蜚語流言挾制官長或隱糧包訟出入公門或唆  
撥奸猾欺孤凌弱或招呼朋類結社要盟乃如之人名教  
不容鄉黨勿齒縱幸脫褫扑濫竊章縫返之於衷甯無愧



乎况夫鄉會科名乃掄才大典關係尤鉅士子果有真才  
實學何患困不逢年顧乃標榜虛名暗通聲氣夤緣詭遇  
罔顧身家又或改竄鄉貫希圖進取囂凌騰沸網利營私  
種種弊端深可痛恨且夫士子出身之始尤貴以正若茲  
厥初拜獻便已作奸犯科則異時敗檢踰閑何所不至又  
安望其秉公持正爲國家宣猷庶績應後先踈附之選哉  
朕用嘉惠爾等故不禁反復惓惓訓言頒到爾等務共體  
朕心恪遵明訓一切痛加改省爭自濯磨積行勤學以圖  
上進國家三年登進東島弓旌不特爾身有榮卽爾祖父  
亦增光寵矣逢時得志甯俟他求哉若仍視爲具文玩愒  
宜春縣志

卷首

上諭

三

世宗憲皇帝雍正二年

上諭我

聖祖仁皇帝壽考作人六十年來山陬海溼莫不家弦戶誦直  
省應試童子人多額少有垂老不獲一衿者令督撫會同  
學臣查明人文實在最盛之州縣題請小學改爲中學中



學改爲大學大學照府學額錄取督撫務宜秉公詳查不得徇私冒濫欽此

聖祖仁皇帝聖諭十六條

康熙九年十月初九日奉

上諭諭禮部朕惟至治之世不專以法令爲務而以教化爲先其時人心醇良風俗樸厚刑措不用比屋可封長治久安茂登上理蓋法令禁于一時而教化維于可久若徒恃法令而教化不先是舍本而務末也近見風俗日儆人心不古囂凌成習僭濫多端狙詐之術日工獄訟之興靡已或豪富凌轢孤寒或劣紳武斷鄉曲或惡衿出入衙署或蠹

宜春縣志

卷首

上諭

四

棍詐害良善萑苻之刦掠時聞讐忿之殺傷叠見陷罹法網刑所必加誅之則無知可憫宥之則憲典難寬念茲刑辟之日繁良由化導之未善朕今欲法古帝王尙德緩刑化民成俗舉凡敦孝弟以重人倫篤宗族以昭雍穆和鄉黨以息爭訟重農桑以足衣食尙節儉以惜財用隆學校以端士習黜異端以崇正學講法令以儆愚頑明禮讓以厚風俗務本業以定民志訓子弟以禁非爲息誣告以全良善戒窩逃以免株連完錢糧以省催科聯保甲以弭盜賊解讐忿以重身命等項作何訓迪勸導及作何責成內外文武該管各官督率舉行爾部詳察典制定議具奏特



諭欽遵

聖諭十六條

- 第一條敦孝弟以重人倫
- 第二條篤宗族以昭雍穆
- 第三條和鄉黨以息爭訟
- 第四條重農桑以足衣食
- 第五條尚節儉以惜財用
- 第六條隆學校以端士習
- 第七條黜異端以崇正學
- 第八條講法律以儆愚頑

宜春縣志

卷首

上諭

五

- 第九條明禮讓以厚風俗
- 第十條務本業以定民志
- 第十一條訓子弟以禁非為
- 第十二條息誣告以全良善
- 第十三條戒窩逃以免株連
- 第十四條完錢糧以省催科
- 第十五條聯保甲以弭盜賊
- 第十六條解讐忿以重身命

高宗純皇帝書李觀袁州學記後

郡縣有學所以養士造材同風迪循正其身心性命之原



示以言行正教之準育之平居無事之時以備國家之任使其事誠不可以苟安必牧民者殫厥心力期大成而不求小得導之以誠持之以寬要之以久然後材達行修而可濟於實用吾於李觀袁州學記蓋不能不三致意焉觀之言畧於四代設學之規惟以忠孝大節進勉諸生至於慷慨激昂洞見肝膈使人有所動而有所畏其可謂明於學校之本者也禮樂百年而後興當宋仁宗時承咸平景德之治用范文正公之言遂詔天下皆立學而守令猶有格不奉行弦誦不聞者獨袁州毅然行之又得觀爲之記爲道學校之本若是豈非袁民之幸哉雖然自宋至今幾

宜春縣志

卷首

上諭

六

千年矣牧民者誠能體上意盡心學校以爲儲材育德之區訓忠教孝以爲制行之本如觀之言各勒諸石俾士子觸目而知警以修厥身以激發其至性而爲國家大有用之才亦世道之厚幸也

高宗

純皇帝御製題勝朝殉節諸臣錄序并詩

昨以勝國殉節之臣各能忠於所事不可令其湮沒不彰特勅大學士九卿等稽考史書核議予諡入祠以昭軫慰其建文諸臣之死事者竝命甄議茲大學士等議上錄其生平大節表著者予以專諡餘則通諡爲忠烈忠節次則通諡爲烈愍節愍統計一千六百餘人若諸生韋布未通



仕籍及姓名無考如山樵市隱之流則入祀所在忠義祠  
統計又二千餘人各爲一冊進覽之均爲允協因名之曰  
勝朝殉節諸臣錄冠以所頒諭旨附載廷臣議疏彙刊頒  
行俾天下後世讀史者有所考質夫以明季死事諸臣多  
至如許迥非漢唐宋所可及錄而旌之亦累朝所未舉行  
似亦足以褒顯忠貞風勵臣節固不必如張若澁所請之  
遍行查訪徒滋紛擾致無了期且卽再入數千人於表章  
大義亦無所增減廷臣駁議惟韙亦并載之爰題詩簡端  
用示大意

信史由來貴輝彰勝朝殉節與羶薌五常萬古旣云樹潛

### 宜春縣志

#### 卷首

上諭

七

德幽光允賴揚等度早傳遼及宋後先直邁漢和唐諸臣  
泉壤應相慶捨死初心久乃償

專

諡明臣袁繼威義感悍卒忠抒讜議克堅大節悉本純衷

今諡忠毅

道光二十五年八月初三日奉

上諭

朕勤求民隱子惠元元自御極以來蠲賦緩徵恩膏迭沛  
所願人安樂利戶裕蓋藏俾閭閻日臻康阜因念各省民  
欠錢糧自道光十五年降旨蠲免後計期已逾十稔本年  
恭逢

聖母

皇太后七旬萬壽海寓乂安民物豐豫允宜推廣



慈恩覃敷闡澤用昭錫類之仁所有各省節年正耗民欠錢糧及因災緩徵帶徵銀穀並借給籽種口糧牛具及漕項蘆課學租雜稅等項著各該督撫將軍府尹等將道光二十年以前實欠在民者詳晰查明該省所屬某州某縣銀穀若干速行開單具奏候朕降旨全行豁免並著先將此旨刊刻謄黃徧行曉諭務使城市村鄉咸喻朝廷德意毋任官吏胥役等延擱侵漁致滋弊竇期吾民休養生息孝弟力田比戶可封催科不擾用副朕延

釐篤祐申錫無疆至意該部卽遵諭行欽此

咸豐七年二月二十二日府憲張奉藩憲札開遞到咸

宜春縣志

卷首

上諭

八

豐三年二月初四日內閣奉

上諭

軍興以來已越兩年逆匪自粵而楚攻陷州郡蹂躪地方吾民顛沛流離深堪憫惻業經先後降旨令將廣西湖南湖北被擾地方應征地丁錢糧分別蠲緩以蘇民困現在賊自九江東竄安慶失守民間遷徙倉皇遭罹兵燹春耕將及力作未遑瞻念南邦實深厯繫所有江西安徽沿江一帶被賊擾害各州縣應徵錢糧著各該督撫確切查明迅速奏請蠲緩其附近地方雖與被兵處所稍有不同而警報頻聞民難安業著一併查明分別奏請恩施用示朕軫念窮黎至意該部知道欽此



咸豐十一年十一月初八日內閣奉

上諭我朝深仁厚澤浹洽寰區軫念民依無微不至偶遇水旱偏災疆臣入告無不立沛恩施其被擾害地方小民蕩析離居情形尤慘各該省督撫大吏自能仰體朝廷子惠痼瘼之隱隨時查勘分別奏請蠲緩惟是奸猾吏胥從中舞弊往往恩詔雖頒有遲至數月而始張貼者有先徵錢糧而後張貼者在國家屢頒寬大之恩閭閻仍難沐纖毫之惠屯膏壅澤皆不肖有司階之厲也嗣後遇有蠲緩恩旨該省督撫當卽趕緊刊刻謄黃嚴飭各州縣隨到隨貼務使實惠均沾家喻戶曉如或有視同具文及任意壓擱致宜春縣志

卷首

上諭

九

朝廷澤不下逮一經發覺朕必重治其罪以爲玩視民瘼者戒欽此

同治元年正月欽奉

上諭朕奉

母后皇太后

聖母皇太后懿旨天生民而立之君使司牧之人君之職所以理萬民而使之安居樂業衣食各得其所也我朝

列祖

列宗宵衣旰食無日不勤求民隱是以蠲租肆赦之詔歲不絕書皇帝以冲齡而寅紹丕基若涉大川罔知攸濟深維出



治之源必以民生爲本痼瘵在抱寢寐時縈至各直省地方水旱偏災近日因經費不充地方官或至諱匿不報仍復征收四野鴻嗷豈忍坐視江蘇安徽浙江失陷郡縣本年錢糧業經降旨悉行豁免第小惠未孚民隱尙難徧舉皇帝深居九重豈能周知民間疾苦是在內外文武大臣以及翰詹科道有言事之責者博訪周咨隨時具奏使閭閻幽隱咸得上達朝廷迅速辦理以慰視民如傷之念其各直省督撫大吏有斯民之責尤當妥爲撫卹其各仰體奉行毋有所隱欽此

宜春縣志

卷首

上諭

